

nchoyo tegwitetuggun kwikit tutidha tthei, ako vik kutanduk, khe vik kwutsuttrikwinji kettun elyet kenyidhun; ei kenjit sheg otititukthut nutrahndei ha nik gichinchik kirkhe ettelye kikyitandul. Ezyuk kwuggut odhelhtshei, Kekwadhut vik gichinchik kit teigikhyi kinyidhun chi.

*Kwilitrigikhyi.*

Nyiwhot Ttyi zeh zit nik kwilnjik, Nyorzi rinjochootinyoo. Nik kookekwadhut nichoozhit. Ni yinji zyehe zit kwikit, nunh kug akotekonji. Chih ttrin zit nyiwhon enyantsit ttrin ndo thlekwi-tunazya nyiwho ssih. Nyiwhot trigwandyoth nyiwhet oounkwichili nittso einut trigwandyoth nyiwhet tungittiyin kot sut oounkwichitili. Kookukwutundei kwu tsut nyiwhot tunoe rsho; Ko kwirzoq kwut sut nyiwhot inounji. Amen.

*Ochikthut.* Chih Gichinchik zit chitti tte Vittekwichanchyo vut sut ochitukthut?

*Kwilitrigikhyi.* Vittekwichanchyo set Kekwadhut zyehe kug nyiwhot Ttyi, uttun ekwichichyo nirzi tutthug kwuntlutili vut sut ochisukthut set tsut ako tinjih tutthug tsut tit chekoorzi nututea; tuntutaa, vik kuntanduk, ako vik kukwutata kenjit nittso kookooli kwikit tuntitiya. Ako Vittekwichanchyo vut tsut sihtshik ekwichichyo kwuttutthug nyiwhenkyo ako nyiwhoz zyin enjit kookooli nyiwhot tsut nunkwititelya; ako nersingichachyo nyiwhotitenja, ako nyiwhot trigwandyoth nyiwhet oounkwitelya; ako kwikit yittinezhya koukonyoo tutthug kwitet kwunkyo enjit ako kwiziyin enjit zyunnyiwhot tassi ako nyiwhok kumentenja; ako trigwandyoth ako kwirzoq tigwittiyin tutthug kwut sut, ako chunkyo nyiwhot tsukwilhej vut sut, ako sheg ohittshi kwut sut nyiwhok kuttunahtya. Ako kwitteinjitelchyo tiz zyoogguttigwidichyo ako rsi-